

武

備

志

武備志卷一百七

防風茅元儀輯

軍資乘

戰十二

祭禡一

茅子曰禮有五軍居其一焉禮以祀爲大故禡祭古也本朝之事神者慎而詳敬載之而附以宋制焉祭禡非一神其祝文不可不備故並採李筌許洞所作而差次之若符檄露布在爲將者自擇陳

祖之流耳，不具載。

本朝祭旗纛儀

本朝禡祭及祭所過山川儀

本朝有司祭旗纛儀 附宋儀

羣祭祝文

本朝祭旗纛儀

洪武元年，詔定親征遣將諸禮儀，以爲古者天子親征，則類于上帝，造于祖，宜于社，禡於所征之地，祭所過山川，若遣將出師，亦告于廟社，禡祭旗纛。

而後行，於是諸儒議上，令自今牙旗六纛藏之內府，其廟在山川壇，每歲仲秋祭山川日，遣官祭于旗纛廟，霜降日，又祭于教場，至歲暮享太廟日，又祭于承天門外，俱旗手衛指揮行禮，永樂後，別有神旗之祭，專祭火雷之神，每月朔望，神機營提督官請祭于教場，今係總督京營戎政官奏請祭畢復命。

仲秋祭儀

霜降同

一齋戒

二日

一省牲，牛一，羊一，豕一。

一陳設神七位，南旗頭大將，六纛大將，五方旗神，

主宰戰船正神，金鼓角銃砲之神，弓弩飛鎗飛石

之神，陣前陣後神祇五昌等衆，犢一，羊一，豕一，登

一，鉶二，籩豆各十，簋簠各二，帛七，黑二，白五，禮神制帛，共設

酒尊三，爵三，酒盞三十，篚一，于壇東南西向，祝文

案一，十壇西。

一正祭，贊引引獻官至盥洗所盥洗，教坊司奏樂，

典儀唱執事官各司其事，贊引贊就位，典儀唱迎。

神樂作樂止贊引贊四拜

陪祭官同

典儀唱奠帛行初

獻禮奏細樂執事捧帛爵進贊引引獻官詣神位
前奠獻訖贊詣讀祝位贊跪樂止讀祝訖奏樂贊
俯伏興平身贊復位樂止典儀唱行亞獻禮奏樂
執事官捧爵贊引引獻官詣神位前獻訖樂止典
儀唱行終獻禮

儀同亞獻

唱飲福受胙以下如常儀

一祝文維某年某月某日皇帝遣具官某致祭于
旗頭大將六纛大將五方旗神主宰戰船正神金
鼓角銃砲之神弓弩飛鎗飛石之神陣前陣後神

祇五昌等衆維神欽天命而無私助揚威武有功
國家茲當仲秋謹遵常典特以牲醴遣官致祭神
其鑒之尚饗

歲暮祭儀

一陳設羊一豕一果五爵三帛

一祝文維某年某月某日皇帝遣具官某致祭于
旗纛之神維神之靈實壯威武適當歲暮禮宜時
祀敬陳牲醴神其鑒之尚饗

朔望日祭神旗儀

一陳設羊一豕一無帛、

一正祭、贊引引獻官就位、贊四拜、贊初獻禮、贊跪、贊讀祝訖、贊俯伏、興、平身、贊亞獻禮、贊終獻禮、贊四拜、贊詣焚祝所訖、贊禮畢、

一祝文、維某年某月某日、皇帝遣具官某、致祭于天威神機火雷無敵大將軍之神、維神、威勇猛厲、剛勁精彊、訇雷掣電、歟火奔風、護國庇民、厥功顯著、肅靖兇暴、寧謐封疆、遇有征討、惟神是賴、驅鋒遣鏑、端直奇妙、萬發萬中、疊貫連穿、破敵致勝、如

武備志卷三百七
拉枯朽，無堅不摧，無悍不滅，神其蓄銳毓靈，用之則應，特以牲品致祭，神其饗之。

禡祭及祭所過山川儀

一齋戒，皇帝清齋一日，大將陪祭官以下皆如之，一省牲，前期二日，設皇帝大次於廟庭之東，省牲位於南門外，前一日，導駕官同太常寺卿導駕詣大次，皇帝服通天冠，絳紗袍，至省牲位，廩犧令率其屬牽牲自東西行過御前，省訖，牽詣神廚，太常卿奏請詣神廚視鼎鑊滌漑訖，遂烹牲，駕還大次。

一陳設前一日執事設神案于廟殿中之北軍位東六纛位西設籩十有二于神位東三行西上豆十有二于神位西三行東上簠簋各二于籩豆間簠東簋西鉶三登三于籩豆前俎三于登鉶前香案于俎前爵坫于香案前沙池于爵坫前設酒尊所于廟庭東幣篚位于酒尊北爵洗位于尊南御洗位于爵洗南瘞坎于神位西北設席于坎位前上置酒并碗五雄雞五以侑酌神設御位于廟庭之南正中北向大將及陪祭官從後異等重行

文東武西皆北向

一正祭是日清晨建牙旗六纛于神位後旗東纛

西皇帝服武弁服導駕官同太常卿導皇帝自左

南門入就位贊禮唱迎神大樂作太常卿奏鞠躬

樂作奏拜興拜興平身樂止傳贊贊禮唱奠幣行

初獻禮太常卿奏請詣盥洗位皇帝至盥洗位搢

圭盥帨訖出圭請詣爵洗位搢圭執爵官以爵進

受爵滌爵拭爵訖以授執爵官再進爵亦如之出

圭請詣酒尊所搢圭執爵官以爵進受爵司尊者

舉鼻酌醴，齊訖，以授執爵官，再進爵亦如之。出，主
請詣軍牙神位前，爵幣前行，皇帝升廟壇，樂作。至
神位前，奏跪，搢圭，三上香，奠幣，三祭酒，奠爵，出圭。
樂止，讀祝官跪讀祝于神右訖，太常卿奏俯伏興，
樂作，奏拜興，拜興，平身，樂止，請詣六纛神位前，禮
同復位。亞獻終獻，不奠帛，讀祝餘皆如之。訖，贊禮
唱飲福受胙，太常卿奏詣飲福位，奏鞠躬，樂作，奏
拜興，拜興，平身，樂止，奏跪，搢圭，飲福受胙訖，出圭，
奏俯伏興，樂作，奏拜興，拜興，平身，樂止，復位，贊禮

唱徹豆樂作掌祭官各徹豆樂止太常卿奏皇帝
飲福受胙免拜贊禮唱陪祭官皆再拜傳贊訖贊
禮唱送神太常卿奏鞠躬樂作奏拜興拜興平身
樂止傳贊同贊禮唱望燎讀祝官取祝捧幣官取幣
掌祭官取饌詣望燎所太常卿奏詣望燎位燎舉
執事殺雞刺血於椀中酌神燎半太常卿奏禮畢
仍同導駕官導引還大次內設爵洗位滌爵拭爵
上香祭酒神前再拜賜
胙免拜等
儀後並省祭所過山川儀與禡祭同但嶽鎮海瀆
則用太牢其次用少牢又次用特性行速止用酒

脯仍設籩豆各一籩實鹿脯豆實鹿臠贊以禮
不用太常奠帛行酌獻禮無亞獻終獻祭畢望瘞
不用雞酒

有司祭旗燹儀

凡各處守禦官俱於公廨後築臺立旗燹廟設軍
牙六旗燹神位春祭用驚蟄日秋祭用霜降日祭
物用羊一豕一帛一色白祝一香燭酒果先期各官
齋戒一日至日守禦長官武服行三獻禮若出師
則取旗燹以祭班師則仍置于廟

一儀注正祭前一日執事者設香案於宰牲房外贊引引獻官常服詣省牲所贊省牲執事者牽牲從香案前過贊引贊省牲畢遂宰牲以毛血少許盛于盤其餘毛血以淨器盛貯臨祭時執事者先瘞于坎前期執事掃除壇之上下并設獻官幕次于中門外執事者依圖陳設其日清晨執事者各實籩豆酒尊等器并滌爵臨祭獻官免滌獻官具祭服僉祝板于幕次執事者置祝于案置帛于篚通贊唱執事者各司其事陪祭官各就位唱獻官就位贊

引引獻官入就位、通贊唱迎神、鞠躬拜興、拜興、
興、拜興、平身、獻官陪祭官皆四拜興、平身、通贊唱
奠帛、行初獻禮、捧帛者捧帛、執爵者執爵以俟、贊
禮唱詣盥洗所、引贊引獻官至盥洗所、贊搯笏、執
事酌水進巾、獻官盥手、盥手、悅手、不贊、贊出笏、獻
官出笏、贊詣酒尊所、贊司尊者舉罍酌酒、執事者
各以爵受酒、贊詣神位前、引獻官詣神位前、贊跪
搯笏、獻官跪、搯笏、捧帛者跪進于獻官之右、獻官
又帛、獻帛以帛授執事者、奠于案、執爵者跪進于

獻官之右，獻官受爵，贊獻爵，獻官獻爵，以爵授執

事者，奠于神位前。

凡進帛進爵皆在獻官之右，奠帛奠爵皆在獻官之左。

贊

出笏，獻官出笏，贊俯伏興，平身，獻官俯伏興，平身，

贊詣讀祝位，獻官詣讀祝位，贊跪，獻官跪，贊讀祝

讀祝者取祝跪讀于獻官之左，畢興，置祝于案，贊

俯伏興，平身，獻官俯伏興，平身，贊復位，獻官復位，

通贊唱行亞獻禮，贊引，獻官詣酒尊所，贊司尊

者舉冪酌酒，執事者各以爵受酒，贊詣所祭神位

前，引獻官詣神位前，贊跪，贊搢笏，獻官跪，搢笏，執

爵者跪進于獻官之右，獻官受爵，贊獻爵，獻官飲。
爵以爵授執事者，奠于神位前，贊出笏，獻官出笏，
贊俯伏，興，平身，獻官俯伏，興，平身，贊復位，獻官復
位，終獻同亞獻儀。通贊飲福受胙，執事者設飲福
位于壇之中稍北，執事者先于神前取羊一脚，置
于盤，執事者于酒尊所酌酒一爵，立俟于飲福位
之右，贊引引獻官詣飲福位，贊跪，搯笏，獻官跪，搯
笏，執事者以爵跪進于獻官之右，獻官受爵，贊飲
福酒，獻官飲訖，以虛爵授執事者，執事者跪受爵。

于獻官之左以退贊受胙執事者以胙跪進于獻
官之右獻官受胙以胙授執事者執事者跪受于
獻官之左捧由中道出贊出笏獻官出笏贊俯伏
興平身獻官俯伏興平身贊復位通贊贊兩拜獻
官陪祭官皆兩拜通贊唱徹饌執事者各詣神位
前以籩豆稍移動通贊唱送神贊鞠躬拜興拜興
拜興拜興平身獻官陪祭官皆四拜興平身贊引
通贊同唱禮畢

一祝文維神正直無私指揮軍士助揚威武皆仗

神功、某等欽承上命、守禦茲土、惟茲仲春秋、謹以牲醴庶品、用申常祭、尚饗、

附宋儀

成平四年、詔禮官詳定禡于所征地之禮、付北面總管、其禮除地爲壇、以祠黃帝、軒轅氏、用羊豕代太牢、都總管爲初獻、餘用舊儀、其牙神、燹神、各以一少牢、其幣、牙以白、燹以皂、用剛日、以漆器當饌、祠之於壇、統以青繩、覆以幄幕、置軍牙大燹位、方七寸、厚三分、亦三獻、鼙鼓、以一豕、祠官皆戎服、清齋一宿、舊法兼

祭風師、祭雨師、祭馬師，其薦獻亦用牲牢酒脯香幣如上儀。惟風師，磔犬以爲牲。祝文曰：維某年某月某日，將帥具官稱姓名某，以某物之奠致祭于某神，凶黨首難，干紀亂常，毒流生民，罪在不赦，受命徂征，恭行天討，殄寇克敵，惟神是助，尚享。一說祭毘沙明天王，有祠貌則就其祠，無祠則望北爲位，設香燈酒果粥酥蜜餅食之屬。三軍首路之日，則祭道路神，以車犯較。祭禮放城外之首路，封土爲山形，蒲芻棘栢爲神主，祭儀牲幣皆准上。祭畢，以車轆之而過，謂之犯較。軍在道路，凡遇名山大川百神祠廟，皆遣官以酒脯

祭告

羣祭祝文

祭黃帝文

許洞撰

維某年月日，具官某，謹致祭于黃帝之神。惟神天
資懿睿，首制兵戎，敷演三才，披攘九極，陶積熙精，
疑立憂古，雖蹈迤之不腆，實伊聖之有作。方今天
人合發，夷夏稱患，隱憂于黃屋之尊，告廟起白旄
之命。惟神素章元聖，開闢徃世，驅逐兇慝，揄揚天
功，綿歷千載，光靈不泯。冀神陰垂嘉佑，以贊我師。

旅收闢土地，誅鋤鯨鯢，幽明合誠，幸享多福，尚饗。

祭蚩尤文

李筌撰

維某年月日，具官某，謹以牲牢之奠，祭爾炎帝之後，蚩尤之神。嗚呼！太古之初，人尚敦素，撫石爲斨，弦木爲弧，爾乃爍金爲兵，割革爲甲，堅旗幟，建鼓鼙，爲矛爲盾，爲戰聖人，一環四海，掩征不庭，服強長威，伐叛誅暴，緊五兵之利，爲萬國之資，子育羣生，義征不惠，戎狄冒突，蟻鬪要荒，令大軍戒嚴，恭行天罰，唯神景福，使鼙鼓增氣，熊旗作威，邑無堅

墻野無橫陣、如飛霜之落木、似震雷之撼山、火氣
風掃、戎夏大同、允哉一人德之中、爾五兵之功、尚
饗、

又

許洞撰

維某年月日、具官某、謹致祭蚩尤之神、惟神雄材
自任、命世特立、卓絕萬古、鬱爲人豪、昔在炎靈不
御、土德丕熾、公鄙治天之職、纂卽戎之緒、足驚九
上手、掉五兵、奮臂一呼、四溟飛水、噴目再顧、兩曜
暗色、噓氣而烟霧蒸、吹角而風雷作、金虎忽病、神

龍亦屠、然公之炳靈、實萬世不泯、冀垂嘉佑、贊衛
我師、獲虜樹勛、戴答玄貺、尚饗、

祭毘沙門天王文

李筌撰

維某年月日朔、具官某稽首、謹以明香、清水、香板、
汕燈、乳粥之儀、供奉北方毘沙門天王之神、惟五
王作鎮北方、護念萬物、衆生勃逆、賜以誅夷、如來
涅槃、委之法象、是以寶塔在手、介冑被身、威凜高
秋、德湛行露、五倍鬼神、八方四千、詭恠殊狀、矜帶
毛羽、或三面而四手、乍一頭而四目、其叱咤也、豁

大海拔須彌，推風輪，紛鐵圍，天魔報而北，嶽沸引
外道，興六師，我國家欽若釋教，護法魔王發大慈
悲，當殺而殺，相小乘之行放生，是故萬國歸心，十
方回向，惟彼醜虜，尚執昏迷，肉食邊氓，漁獵亭障，
天子出上兵之律，問罪荒要，惟願天上奮神威，帥
部伍，助我甲兵，殲彼克孽，使刀斗不警，太白無芒，
雖事捷於將軍，而功歸于天王矣，尚饗。

又

許洞撰

維年月日，具官某，謹以香燈蔬菓，祭于毗沙門天。

王惟天王、神靈通暢、威德奮震、據大陰之正位、降
普天之妖魔、左手擎塔、降尊身于西土、右手仗戟、
赫天威于北方、一舉而羣魔駭、再舉而沙界裂、目
激電以日暗、髮聚藍而雲委、卓犖萬古、鬱稱元神、
今妖孽未除、生靈塗地、凶聲逆氣、溢天而浮、皇帝
命其將領雄師、剿戮羣黨、大勲未立、壯心徒奮、天
王受佛敕印、廣揚神通、尚能卷大地于掌中、納須
彌于芥子、今茲小醜、豈不能祛伏、惟降慈悲心、救
衆生苦、開大神力、驅神鬼兵、右迴左旋、剪滅此

脫苦惱于刀兵之劫，廣濟拔于風火之輪，則虔心皈依，實在此日尚饗。

祭八神文

許洞撰

維某年月日，具官某致祭于八方之神。兩儀設像，八卦成文，中合粹氣，結爲神靈。聖君則之以奠兆民，悠悠奸醜，敢有不賓，逆天反道，罹殃蹈迕。吾今有告，神順所聞。天門地戶，人門鬼戶，震雷洞洞，火靈燉燉，水澤之神，聚類合羣。沱沱大極，靈氣詵詵，掃殄克悖，廓清妖氣。神其靈之神，其靈之尚饗。

禱牙文

李筌撰

維某年月日具官某敢以牲牢之奠告于軍牙之神在昔三皇無師五帝有師所以伐奸克威桀鷩封豕荇食長蛇流毒則積屍齊白流血湖海我后既耻不祥之器以伐謀爲兵不戰屈人借前箸爲策遂得東夷納貢西旅獻熬以明海晏有年矣今戎狄噍噍虺蜥遠出桀犬吠堯鵠視鵠顧天子授我斧鉞錫我彫戈鑿門分閫使專征伐惟爾乃神翼茲根武左霹靂右雷公天乙在前太乙在後風

雷電霰尅勝羣醜、枹鼓來揮而元凶折首、惟爾
惟神尚歆格之、尚饗

禡牙旗文

許洞撰

維某年月日具官某謹禡于牙旗之神、昊天有命、
澤佑元王、純精播祉、玄德勝光、蕞爾醜虜、敢謀亂
常、磨擎黔首、鼠嚙邊疆、天子命我、仗鉞專征、耀斯
威武、討彼不庭、嘗聞天地福謙、鬼神害盈、善終其
祐、惡殄其生、咨爾陰祇、固將効靈、召太乙呼雷公、
馳白虎走青龍、玄龜鎮後、朱雀衝前、濯蕩皎日、掃

除妖虹，兵不血刃，告厥成功，神其聽之，顯鑒予衷，尚饗。

禡門旗文

許洞撰

維某年月日，具官某，謹禡于門旗之神，惟神奠兵作元，揚靈戎首，闢向方之正位，立凶器之宏規，指顧師徒，予實賴汝，今醜虜尚肆，長氛未清，是致伐鼓建牙，聲號秉律，祈神陰祐，禋建殊功，誠宜磨五兵之虛，壯三軍之氣，納犬羊之地，載扇華風，鑣鯨鯢之屍，盡爲京觀，神其聽之，尚饗。

禡五方旗文

許洞撰

維某年月日其官某謹禡于五方旗之神惟神稟
命昊穹實司所職體國經野正位辨方前指則摧
撲克頑當位則表列師旅伊靈有用由古賴諸我
國奠基還宣惠政鯨霄鰲柱總八極以天臨木口
金鈴震九疆而雷動方資廣被孰敢不賓何犬羊
之遊覓爨旌膾而背惠伊宗旣興于嘯聚在予載
掌千車徒我有征事馘元無爽冀神垂祐陰贊六
師奮朱雀以前驅命玄龜而後勁青旆鼓蒼龍之

氣素旌軍白虎之威，黃龍鎮中爲我軍主，誠宜內順指顧，外威奸雄。一揮而龍塞生塵，穹廬罄覆；載鼓而狼局破膽，敗虜磨驚。掃大憝于陬隅，耀殊勲于簡牘。肅清萬里，藉神之靈，尚饗。

禡纛旗文

許洞撰

維某年月日，具官某謹禡于六纛之神。天行殺氣，北方表戎事者，大纛是故以黑于飾，順其位也。爲軍之表，嚴其令也。師徒搏節，乃在於此，誠宜祐我威，被元兇，所當者破，所指者靡，則神順成之。

方期亦至矣、尚饗、

禡五兵文

許洞撰

維某年月日具官某、謹禡于五兵之神、天道不誥、助厥元王、我作五兵、以征四方、靈星爲衆、刃名大房、角星示本、弓名曲張、二宿主弩、曰遠望、熒惑主矢、曰徬徨、彼長戟名大將、賴參星而抑揚、今則膾腥聚臭、孛彗騰光、流血如水、傷骨成岡、苟不剪滅、孰爲忠良、咨爾五兵、爲天大刑、太玄之垂象、方輿之淳精、順我動使、以撲不庭、神靈之神、靈之尚饗、

釁鼓文

許洞撰

維某年月日具官某謹釁于鼓神、三軍之威職在鼓旗之用、靈惟鼓神、塗血致誠、古之常典、以聲爲度、合之令儀、進退周旋、實在于爾、今則五兵暴露、羣醜縱橫、士庶狼狽、顧我小子、承宣王威、虔統大軍、將命遠臨、一擊而進、師鶚視、再擊而逆、黨麇驚、贊命收功、決此一行、尚饗、

禱馬文

李筌撰

維某年月日具官某謹以清酌少牢之奠致祭爾

羣牧馬神之靈、古者庖犧氏服平乘馬、引重致、
以代人勞、爾能節齊和鸞、舉應輦鼓、陷矢石、殪醜
虜、聲嘶而長風始生、影滅而浮雲無限、光澤牽玉、
皇化潛謐、八方來庭、浮鐵沉毛、貢金納剝、而猶豺
狼難厭、友首逢鱗、學三苗之不恭、慕九黎之未服、
叛而弗討、何示天威、天子潔齋、拜授飛將、身衝彫
戈、手執金鼓、披陣雲以出塞、乘朗月以渡河、誓將
推埋種落、擒摘魑魅、火烈其舉、勢逾飄風、惟爾乃
神、使我征馬肥碩、龍驤驥奔、晶甲霜明、草木皆偃、

飛矢星落、關河翰回、百戰就功、收戈脫用、示不復
用、休、示于華山之陽而已、尚饗、

禡征馬文

許洞撰

維某年月日、具官某、謹禡于馬神、東方蒼龍、實曰
天駟、因星史而立象、垂休、願太易則乾文取譬、懿
伊馬之用功、爲邦家之大利、何倥偬之邊陲、聚腥
膾之黨類、列旗幟而星蕃、掉戈矛而蜩起、將耀武
于三軍、當載揚于六轡、所賴者穹昊儲禎、明神効
祉、苟芻飲之叶宜、實陰贊之不昧、尚饗、

祭山川神

許洞撰

維某年月日具官某謹以牲牢香酒之奠祭于當境山川之神天地之始疏山濬川所以應天文列地紀限夷夏宣風雷爲神者必靈有所者必應蓋山川爲之府神爲人之主也禍淫福善神其掌之故聖人列于典禮國家配于羣望所冀發善者之福神殲不善者之屍骨惟神惟景天地之命爲山川之靈照我懇誠贊我兵力使收功於須臾鹹元惡于頃刻尚饗

祭名山文

許筌撰

維某年月日具官某謹以清酌少牢之奠薦于某
山之神惟神聰明正直作鎮國家天覆地載罔不
宅心航海梯山回首內面獨彼兇醜犬戎爲羣陷
天虐人窺邊猾夏持蚊蚋之力肆鯨鯢之毒皇帝
取亂侮亡兼弱攻昧赫斯怒奮雷霆烈烈轟轟風
捲電擊今萬騎雲合八陣戎裝頓軍峰岡採樵林
麓夫天道助順人道助信天人共會神鑒孔明神
其蒸雲鬱霧飛砂轉石助我軍威牲牢非馨明德

惟馨尚饗、

祭山川文

李筌撰

維某年月日具官某謹以清酌之奠薦于某川之神惟神植德靈長、善利萬物、其柔也能沈鴻毛、沒纖芥、其剛也能轉巨石、截橫山、垂轡副夷、漂湖泣越、避高就下、兵家法焉、我君昌有萬國、遂涵四海、伐叛除逆、合文齊武、是以餘扶肅慎、左衽來庭、夜郎須池、括髮從事、惟彼克虜、敢干太常、負地馮山、掉蜂蠆之毒、乘危持險、運螳螂之斧、天子授我多

算不戰而屈人之兵、士卒與我一心、聞鼓聲有必
死之勝、神居五行之長、百瀆之原、藏蛟躍龍、蒸雲
致雨、今大軍利涉、神何不喏海若、叱天吳、驅風伯、
逐鯨鯢、波無漣淪、厲有淺清、就將軍之事、贊天子
之功哉、尚饗、

祭當境神文

許洞撰

某年月日具官某、謹備酒牢、奠于當境山川之神、
惟神受天明命、辨位司民、禍淫福善、神之常德、今
奸醜肆暴、聚謀不軌、污黷我境土、虜掠我士庶、

未伏鑕授首，豈神禍淫之道耶？俾我元后，肅壇命將，提戈遠征，大憝未殄，元勲未輯，豈神福善之道耶？今某虔統大軍，以涉靈境，固當享我血薦，潛助其力，贊應天之兵，誅悖道之虜，則神正直之方，于是乎在尚饗。

祭風伯雨師文

許洞撰

維某年月日，具官某謹以牲牢香酒之奠，祭于風伯雨師之神。惟神箕畢之精，陰陽之粹，動息無間，游潛太虛，大塊噫氣，鼓天地以發籟，飛龍在天，合

雲雷而作解，茫茫禹迹，民其賴之。今某出師有期，惟靈是禱。冀神陰垂嘉祐，贊我師旅。或則駕舟楫，濟巨川；神其施九竅之怒號，或則涉嶺岑，歷險阻，神其減十期之霧霈，然後扇腥膻之氣，如塵颺空，抽兇妖之血，爲波注海。大事苟濟，敢忘玄貺。尚饗。

祭雨師文

許洞撰

維某年月日，具官某，謹以牲牢之奠，祭于雨師之神。惟神薄陰陽以就氣，馭雨龍而施德，威合風雷，則草木盡偃，恩覃霧露。則卉陰敷榮，昆陽惡盈，霆

亡新之象，龜茲助順，濟全涼之師，其罰惡也如彼。其賞善也如此。國家大業醇曜，休德浹和，懷生人倫，優渥戍稼，而戎胡握強，草竊遐邇，便謀臣不暇高枕，戰士不遑脫甲。天子瞑目，按劍發怒，勇誅不道，天下士庶，森集星馳，精貫白日，薰莸兔之穴，覆高鳥之巢，惟神乃靈，河氣騰青，不卷浮雲，流漬霖霏，揮戈而曜，靈再晡，擲劍則日中見斗，壯我軍之氣，乃爾神之功哉，尚饗。

磔風伯雨師文

李峯撰

維某年月日具官某謹以清酌之奠祭于風伯之神惟神首出地戶迹遍天涯東溫而層氷漸散西列則草木節解鼓怒馮凌飛石拔樹翻江倒海蓬勃宦倮揚塵走礫霾曠昏暝遠左衽渾塗日海不揚波河不滿溢而克羯狂醜情衆烏合馮陰蟻聚蜉蝣朝菌逭我天誅皇帝道德惡殺好生鞠育羣品乃威以斧鑕懷以惠和前茅屈途後殿途竟惟爾神神用噓吼颶颶折木偃草使旗麾指敵驚沙礫石坐蔽泰山之形晝不見於虜目震霆之聲

近不聽於虜耳、蒙袂僵仆、歛我轅門、兵不血刃、而
式夏同風也、尚饗、

武備志卷一百八

防風茅元儀輯

軍資乘

攻一

茅子曰、攻城之法多端、具見於兵訣戰略中、若其措置條件、器具圖說、不可不講也、器具爲水火者、人於水火乘、石礮等物、可施於守、亦可施於攻、已見於守乘、唯言其餘者而已、前乎宋、該於宋、後乎宋、稍有益也、是爲攻乘、

措置條件

器具圖說

措置條件

虛此二

行軍須知曰、兵書曰、攻城者、迅聲烈勢、有若雷霆、
使壯士不及掩耳、李靖曰、兵貴神速、經久變生、三
略曰、拔而勿久、夫城虛者可守、城實者不可守、虛
者謂其無人、馬糧草不足戰者、守具不完、又無外
救、止可以深溝高壘待之、其賊計無所施、自然求
出則易擒、或城中糧絕、旦夕要出、我乃詐爲抽軍、

點集人馬空闕一隅夜則詐燒火炬令賊望見從空處突出乃於要害多設奇伏兵勁弓勁弩邀截斷其首尾不使相救則使偏將領步兵入城安撫居民守護倉庫城實者謂城中足食足兵求戰不出必有外救不可以守則致變生外救必至所謂停囚長知是也可多設奇謀疾速攻之破城之法攻城之具各有名件今具一十二條可詳用之一用鵝車洞子進土填濠作距堙土山於洞子內使人分作左右兩行一行轉土入濠填城下一行

正偏志卷三
轉空器洞子別使壯士聚土轉入不可使人往來
搬運出入不便有距堙可望却採斫木植用布袋
盛土堆積上城廣積柴薪城邊堆高闊爲妙其洞
子上多設泥漿桶麻搭防備猛火油箭火砲
一用尖頭木驢虎頭車宜抵城下鴉嘴鑊鑿土開
作一窟穴令自崩摧

一用三脚雲梯上城則撞木不能害

一火砲打敵樓撞車衝門破柵

一火砲火箭火禽燒城中積聚

一鑿城作孔夜使壯士入城砍開偷門亂燒積
一將自家軍兵分作番次令晝夜使金石鼓噪攻
之致彼不能安坐如此三晝夜不得眠而人自困
乏力衰我亦詐作困甚權且住攻於中夜月黑時
使矯捷勇鬪之士上城偷門砍開引大兵入城
一常於要害處設奇伏防外救如無則不然也果
有更分兵支吾

一可於中夜用勁弓硬弩射箭入城於箭上繫書
間諜反害之意許之重賞如士卒收得亦可遞相

誘說令內外相應

一能知賊魁所用腹心謀主及左右輔佐有才能之人可於箭上貼寫文字相約會合之意射入城中亦可反間令上下自相殺伐也

右以上件破城之法陳其大略觀古賢知攻其所守審其所圖巧策多途各有攸當也

武經總要曰用兵之法全國爲上破國次之全卒爲上破卒次之皆謂用謀以降敵必不得已始修車櫓具器械三月而後成踊土距闔又三月而後

已恐傷人之甚也。故曰攻城爲下，然攻亦有道，必在乎審彼之彊弱，量我之衆寡，或攻而不圍，或圍而不攻，知此之道，則能勝矣。攻之者大要攻其所必守，與其所必救。故城有宜急而取之者，有宜緩而克之者。若彼我勢均，外有彊援，慮腹背之患者，須急攻之，以速其利。如我彊彼弱，外無寇援，力足以制者，當羈縻守之，以待其弊。是謂不以兵攻，以計困之。令其自拔，令其自毀。若城堅兵衆，欲留我師，外援且至，則表裏受敵，拔之未足爲利，不拔足


以挫威若是而將有不勝其忿而蟻附之士卒被傷城終不拔者乃攻之災此所謂不審彼之彊弱者也法曰十則圍之五則攻之兵少則不可久圍環而鬪之離而合之此所謂量我之衆寡者也又城有所必攻者有所不攻者故兵向城必先使謀者求知城中之糧數計人爲費糧多而人少則攻而勿圍糧少而人多則圍而勿攻也此所謂或攻或圍者凡欲攻城備攻具然後行之得主地然後臨之趨其所救謂攻其軍主之所在絕其所恃謂

斷其糧道而守其歸路使外交不得相救也。圍兵必去城三百步外則弓矢不及姦僞不通賊出突圍勢力已困欲攻其一面則四面撓之使敵不知所備此兵謀也不發塹墳墓不殺老幼婦女不焚廬舍不污井竈不毀神祠佛像恐怒敵也。破城鼓聲未絕不許散俘虜散俘虜須限以時及時擊鼓三通軍人便須歸營若捉獲婦女者三日外不許留置在營此軍禮也得賊城堡非有要害可恃者不分兵鎮守得賊城近境者則固守以積糧儲薪

芻中備之物此所以免轉輸之勞也


器具圖說一

地 道




右地道約高七尺五寸，廣八尺。凡攻城者，使頭車抵城，鑿城爲地道，每開至尺餘，便施橫地楸，立排沙柱，架罨樑，防城土下摧。鑿之漸深，則隨益設之。彼夫運木，皆自頭車緒棚，內外來往。穴城欲透，量留三五尺，積薪於內，縱火焚之。柱折則城摧。

距 堙



右距堙卽土山也。凡頭車穴城則取其土爲堆阜。非穴城者亦可鑿土爲之。使人乘城而上。世亦謂之疊道。仍用生牛皮作小屋并四面蒙之。屋中容運土人以避矢。


不排搭緒棚




土籠子

正角三層式

色蓋棚緒



色垂棚緒




排 搭 緒 棚

緒棚

內係排沙柱

拔車




鴈翔板

麻搭

泥漿桶

頭車


屏風




拐子木

地袱


簾蓋棚緒




簾垂邊兩棚緒




筴 芦 棚 緒



筴 垂 邊 兩 棚 楮



不掛搭緒



右緒棚接緒頭車架木爲棚故曰緒棚其高下如頭車棚上及兩旁皆設皮笆以禦矢石若頭車進則益設之隨其遠近若敵人以火焚車及棚則施設泥漿麻搭渾脫水袋以救之

鋒刀鑊

鴟觜鑊

鑊鍬

方鍬

鐵鑊

剗子

右地道內掘土用之並設人常用更不圖形

搭緒棚

內係排沙柱

緒棚

找車

緒棚蓋色

緒棚
垂色


千斤
索二條

不蓋用

泥漿桶

天窓

頭車




篋翅馬


地袱

拐子木


屏風牌




樓 砲




色翅鷹




色翅鷹




屏風 色



木馬子




上頭車梯



撐鴈翅笆拐



編皮篋




右頭車乃攻城之利器也其闊七尺前高七尺後高八尺以兩巨木爲地楸前後梯枕各一前枕尤要壯大上植四柱柱頭設涎衣梁上鋪散子木爲蓋中流方竅廣二尺容人上下蓋上鋪皮篋一重皮篋以竹片編成以生牛皮漫篋上鋪穰藁厚尺餘穰藁上又施皮篋所以禦砲石也車三面皆設約竿如今坐櫓上欄干頭牌木每牌長九尺闊五寸厚六寸首有小竅以皮繩繫著車蓋垂在約竿外木無定數但取遮密三面牌外又垂皮篋亦以禦砲方竅下置梯以升

蓋上前施屏風笆，一笆中開箭窓，倚以木馬，令人於笆內射外，凡攻城鑿地道，以車蔽人，先於百步內於矢石擊當而守城人使不能立，乃自壕外進車，用大木二條，各長一丈八尺，謂之揭竿，首插前枕下，稍壓後枕，出以土囊壓竿，稍令揭車首昂起，車每進，便設緒棚，續車後，遇壕則運土雜芻藁填之，運者皆自車中及緒棚下往來，矢石不能及，又以千斤大麻繩繫車前枕，引向後出，以絞自車後，急絞以助竿力，令車首常去地尺餘，兩面約竿脾。


木下分用三十人，摧挽梯枕下，又以木擷鐵挺幹，跳使進抵城下。

頭車舊本無輪，又無頭牌，今添人兩旁十輪，及前面屏風牌，并兩掩手，庶可適用。


行砲車




行砲車




礮 橋



橋 壕





摺疊橋



右壕橋長短以壕爲準下施兩巨輪首貫兩小輪
推進人壕輪陷則橋平可渡若壕闊則用摺疊橋
其制以兩壕橋相接中施轉軸用法亦如之


雲梯






右雲梯以大木爲床，下施六輪，上立二梯，各長二丈餘，中施轉軸車四面，以生牛皮爲屏蔽，內以人推進及城，則起飛梯於雲梯之上，以窺城中，故曰雲梯。

火 車




右火車以兩輪車中爲爐上施鏊滿盛以油熾炭火爨令沸仍四面積薪推至城門樓下縱火而去敵必下水沃之油得水其焰益高則樓可燔也

飛梯長二三丈首貫雙輪欲蟻附則以輪著城推
進



竹梯用獨竿大竹兩旁施脚濫以登、



躡頭飛梯如飛梯之制爲兩層上層用獨竿竹中
施轉軸以起梯竿首貫雙輪取其附城易起

